

sen-Hönig/ vnd eben so viel ungesalzen Schweinen Marck/ vnd ein wenig ungesalchten Kalch / vnd so viel gestoffenen Pfeffer / dieses alles lassen mit ein ander sieden / vnd so lang gerühret bis eine Salbe daraus wird/ die leget über die Zunge welche man zuvor mit warmen Wein waschen solle / vnd leget ihme so lang keinen Baum auff/ bis es gar geheylet seye.

Wann ein Pferd von einem andern wäre an ein Knie/ oder Rinbacken geschlagen worden / wie ihme zu helfen.

S Der Streich am Knie ist/ nemmet Terpentin/ vnd Essig/ beydes drey Unzen/ Mastix/ Weyrauch/ jedes zwey Unzen/ machet eine Salbe daraus/ rührets wol durch einander/ vnd legets auff den Schaden.

W Ann der Rinbacken geschwollen ist/ solle man die Ursach dessen wol besehen/ ob es von einem Streich seye/ oder ob die Geschwulst etwann von einem Holz oder Dorn herühre: Erstlich soll man den Ort/ wo die Geschwulst ist/ bescheren/ dann nemmet Wermuth/ Vitriol/ Bernflawenkraut/ Lorberblätter/ eines so viel als des andern/ stoffets klein/ vnd vermenget es mit altem Schweinen-Schmeer/ lasset alles zusammen in einem neuen Hafen sieden/ thuet benachmahls Hönig/ Del/ vnd Weizen-Mehl darzu/ wann alles wol gekochet ist/ leget es so warm als es zu erleyden ist/ auff den schadhafften Rinbacken / vnd bindets mit einem leinen langen Tuch/ vernewerts täglich zwey- oder drey-mahl/ bis es geheylet ist.

Heylung der schadhafften Brust.

U Ber dieses / was ich oben gemeldet habe/ wann ein Pferd an der Brust verletzet ist/ soll man ihme an denen gewöhnlichen Adern zu beyden Seiten der Brust/ Blut lassen/ dann ziehet ihme ein Haarseil vnten an der Brust/ vnd erfrischets zwey mahl des Tages/ wie ich oben in dem Capittel vom Wurm angereget habe/ vnd lasset das Haarseil drey Tag vber in der Haut hangen.

Von denen Floss-Gallen wie sie zuwertreiben.

D Dieses Ubel erzeiget sich an denen Gelencken der Schenckel vnd Füße / vnd dieses entsethet von dem Dampff der feuchten vnd verhaltenen Ställe/ welches ihnen macht die Feuchtigkeiten herabsitzen/ vnd zu Zeiten kommet auch daher/ wann man die Pferd in der Jugend zu starck reitet: Dieses zu heylen/ reisset mit dem Laß-Eisen die Haut vber der Gallen auff/ schälet mit den Nägeln das Fleisch darvon ab / vnd ziehets heraus.

Item